

- Աճի տեմպը սեպտեմբերին դանդաղել է՝ հասնելով 5.3 տոկոսի (ՆՏՆԺՀ), ինչը հիմնականում պայմանավորված էր ծառայությունների ոլորտի կտրուկ անկմամբ (չհաշված առևտուրը):
- Հոկտեմբերին գնաճը կայունացել է՝ կազմելով 0.1 տոկոս (ՆՏՆԺՀ):
- Սեպտեմբերին արտահանման և ներմուծման աճի տեմպը ավելացել է, համապատասխանաբար, 10 և 6 տոկոսով (ՆՏՆԺՀ), հիմնականում պայմանավորված թանկարժեք քարերի և մետաղների արտահանման աճով:
- Սեպտեմբերին գրանցվել է բյուջեի 3 միլիարդ ՀՀ դրամ հավելուրդ, որին նախորդել էր օգոստոսի 25 միլիարդ պակասուրդը:
- Ֆինանսական համակարգը մնացել է կայուն, «այլ ոլորտներին» տրամադրվող վարկավորման ծավալների զգալի ավելացմամբ:

Տնտեսական ակտիվության աճի տեմպը սեպտեմբերին դանդաղեց՝ հասնելով 5.3 տոկոսի (ՆՏՆԺՀ, իրական արտահայտությամբ)՝ ի համեմատ օգոստոսի 10.9 տոկոսի (ՆՏՆԺՀ) (Գծապատկեր 1): Ծառայությունների ոլորտի (չհաշված առևտուրը) աճի տեմպն սեպտեմբերին նվազեց հասնելով 4.6 տոկոսի, օգոստոսի բացառիկ երկնիշ աճից հետո: Ծառայությունների շարքում տրանսպորտը կրճատվել է 25 տոկոսով (ՆՏՆԺՀ), իսկ հաղորդակցության ոլորտում աճը կազմել է 8.7 տոկոս: Չնայած շինարարության և առևտրի ոլորտներում աճի տեմպերը նույնպես թուլացել են, դրանք պահպանվել են կենսունակ մակարդակում՝ համապատասխանաբար 21.8 և 15.7 տոկոս (ՆՏՆԺՀ): Այդուամենայնիվ, արդյունաբերական արտադրանքի թողարկման ծավալը շարունակեց կրճատվել (սեպտեմբերին -4.3 տոկոս ՆՏՆԺՀ), ինչը պայմանավորված է մշակող արդյունաբերության ոլորտի 8 տոկոս անկմամբ (ՆՏՆԺՀ) և էլեկտրաէներգիայի ու էներգետիկ ենթաօլորտների արտադրության կրճատմամբ: Սա որոշ չափով փոխհատուցվել է հանքարդյունաբերության ոլորտի աննշան աճով (1.3 տոկոս, ՆՏՆԺՀ): Տնտեսական ակտիվության

ինդեքսը 9.7 տոկոսով աճել է հունվարից սեպտեմբերին ընկած ժամանակամիջոցում (ՆՏՆԺՀ):

Ֆիզիկական անձանց զուտ դրամական հոսքերը սեպտեմբերին նվազել են 69 տոկոսով (ՆՏՆԺՀ):

Դրամական փոխանցումների ներհոսքերը կրճատվել են 19 տոկոսով, իսկ արտահոսքերը սեպտեմբերին ավելացել են 43 տոկոսով (ՆՏՆԺՀ) (Գծապատկեր 2): Ներհոսքերի հիմնական մասը (66.3 տոկոս) Ռուսաստանից է, մինչդեռ արտահոսքերի ընդամենը 12.7 տոկոսն է դեպի Ռուսաստան:

Գնաճը հոկտեմբերին կայունացել է՝ կազմելով 0.1 տոկոս (ՆՏՆԺՀ):

Դրա պատճառով միջին գնաճը նվազել է՝ հասնելով 2.5 տոկոսի, ինչը բավականին ցածր է 4 տոկոս թիրախից (Գծապատկեր 3): Սննդամթերքը և ոչ ակոհոլային խմիչքները միակ ապրանքային խումբն է, որտեղ հոկտեմբերին գրանցվել է գնանկում (3 տոկոս, ՆՏՆԺՀ), և դա նպաստել է ընդհանուր գնաճի դանդաղմանը: Հոկտեմբերի 31-ին կայացած իր նիստում ՀՀ կենտրոնական բանկի խորհուրդը նվազեցրեց վերաֆինանսավորման տոկոսադրույքը՝ 25 բազիսային կետով իջեցնելով 9.5 տոկոսի, որը չորրորդ նվազեցումն է 2023 թվականին:

Արտահանման աճի տեմպը սեպտեմբերին գերազանցել է ներմուծման աճի տեմպը:

Արտահանման աճը սեպտեմբերին կազմել է 9.6 տոկոս (ՆՏՆԺՀ)՝ օգոստոսի 7 տոկոսի համեմատ: Դա պայմանավորված է թանկարժեք և կիսաթանկարժեք քարերի (92 տոկոս), ոչ թանկարժեք մետաղների (164 տոկոս) և հանքանյութի (34 տոկոս) արտահանման ծավալների ավելացմամբ: Նախկինում արտահանման աճը պայմանավորող հիմնական գործոնները, այն է՝ տրանսպորտային միջոցների և մեքենասարքավորումների վերաարտահանման ծավալները նվազեցին, համապատասխանաբար, 34 և 31 տոկոսով (ՆՏՆԺՀ): Ներմուծման աճի տեմպը օգոստոսի 13 տոկոսից նվազել է՝ սեպտեմբերին հասնելով 5.6 տոկոսի: Հիմնական ներմուծումը նույնպես ընդգրկում է թանկարժեք և կիսաթանկարժեք մետաղները (149 տոկոս աճ) և, ավելի փոքր չափով, տրանսպորտային միջոցները (22 տոկոս աճ) և տեքստիլ արտադրատեսակներ (38 տոկոս աճ): Հունվարից սեպտեմբերին ընկած ժամանակամիջոցում արտահանման ու ներմուծման աճի հանրագումարային տեմպը

կազմել է, համապատասխանաբար, 44.8 և 46.4 տոկոս՝ հանգեցնելով առևտրի հաշվեկշռի 49 տոկոս վատթարացման:


Լեռնային Ղարաբաղի տեղահանվածների հոսքին հաջորդած ժամանակավոր արժեզրկումից հետո ՀՀ դրամը կայունացել է: Նոյեմբերի 7-ի դրությամբ ՀՀ դրամ/ԱՄՆ դոլար փոխարժեքը կազմել է 402.7 ՀՀ դրամ 1 ԱՄՆ դոլարի դիմաց, ինչը 4 տոկոսով արժեզրկվել էր՝ տեղահանվածների հոսքին նախորդած ժամանակաշրջանի համեմատ, և 1.7 տոկոսով արժեզրկված էր ՆՏՆԺՀ (Գծապատկեր 4): Հոկտեմբերին միջազգային պահուստները երկրորդ անընդմեջ ամսվա համար նվազեցին 155 միլիոն ԱՄՆ դոլարով, ինչի հետևանքով պահուստները նվազեցին մինչև 3.8 միլիարդ ԱՄՆ դոլար կամ 3.2 ամսվա ներմուծման ծածկույթ (Գծապատկեր 5):

Սեպտեմբերին գրանցվեց բյուջեի 3 միլիարդ ՀՀ դրամ հավելուրդ, ինչը հաջորդեց օգոստոսի 25 միլիարդ ՀՀ դրամ պակասուրդին: Ընդհանուր եկամուտներն ու դրամաշնորհները սեպտեմբերին ավելացան 9.3 տոկոսով (ՆՏՆԺՀ), ինչը պայմանավորված էր շահութահարկի (մինչև 43 տոկոս), եկամտային հարկի (մինչև 16 տոկոս) և ԱԱՀ-ի (մինչև 15 տոկոս) աճով ՆՏՆԺՀ: Այդուհանդերձ, ծախսերն ավելի դանդաղ աճեցին (6.4 տոկոս): Մինչ կապիտալ ծախսերն էականորեն ավելացան (60 տոկոս ՆՏՆԺՀ), մասամբ պայմանավորված ցածր բազայի էֆեկտով, ընթացիկ ծախսերը կրճատվեցին 2 տոկոսով (ՆՏՆԺՀ): 2023 թ. առաջին ինն ամիսների ընթացքում եկամուտներն ու ծախսերն ավելացան, համապատասխանաբար, 13.8 և 12.7 տոկոսով (ՆՏՆԺՀ)՝ հանգեցնելով 74 միլիարդ ՀՀ դրամ հավելուրդի (տարեկան կանխատեսվող ՀՆԱ-ի 0.8 տոկոս), ինչը 45 տոկոսով գերազանցում էր 2022 թ. նույն ժամանակահատվածի հավելուրդը: Կառավարությունը հայտարարեց կանխիկ միջոցների փոխանցման մի քանի ծրագիր ԼՂ-ից տեղահանվածների համար, այդ թվում՝ միանվագ գումարի տրամադրում (100.000 ՀՀ դրամ մեկ անձին), տան վարձի և կոմունալ վճարների մասով վեցամսյա աջակցություն (50.000 ՀՀ դրամ մեկ անձին) և ընթացիկ ծախսերի մասով աջակցություն՝ երկու ամսով (50,000 ՀՀ դրամ մեկ անձին): Ակնկալվում է, որ այս ամենը կարտացոլվեն հարկաբյուջետային ցուցանիշներում՝ 2023 թ. հոկտեմբերի դրությամբ:

Ֆինանսական համակարգը պահպանել է կայունություն՝ վարկերն ու ավանդներն աճել են, համապատասխանաբար, 2 և 0.6 տոկոսով (ՆԱՀ): Կապիտալի համարժեքության գործակիցը սեպտեմբերին աճել է 0.4 տոկոսով նախկին ամսվա համեմատ (ՆԱՀ), իսկ չափատող վարկերի գործակիցը օգոստոսի 2.8 ցուցանիշից սեպտեմբերին հասել է 3 տոկոսի: Շահութաբերությունն ըստ ակտիվների և սեպտեմբերին ավելացել է 0.1 տոկոսային կետով համեմելով 3.2 տոկոսի: Վարկավորման աճը հիմնականում պայմանավորված է եղել ՀՀ դրամով արտահայտված վարկավորման ավելացմամբ (2.2 տոկոս աճ, ՆԱՀ): Բնակչության վարկավորման ծավալների ընդհանուր աճը հիմնականում պայմանավորված է եղել ծառայություններին և այլ չնույնականացված ոլորտներին տրամադրվող վարկերի ավելացմամբ (համապատասխանաբար մինչև 9 տոկոս և 86 տոկոս, ՆԱՀ):


Գծապատկեր 1. Տնտեսական ակտիվությունը սեպտեմբերին կիսով չափ նվազեց՝ պայմանավորված ծառայությունների ոլորտի անկմամբ (չհաշված առևտուրը)

(Տնտեսական ակտիվության ցուցանիշ, փոփոխությունը (հազար ԱՄՆ դոլար)
ՆՏՆԺՀ, %)



Աղբյուրը՝ ՀՀ վիճակագրական կոմիտե


Գծապատկեր 2. Սեպտեմբերին դրամական փոխանցումների ներհոսքերը նվազեցին, իսկ արտահոսքերն ավելացան



Աղբյուրը՝ ՀՀ ԿԲ

Գծապատկեր 3. Հոկտեմբերին գնաճը կայունացավ՝ կազմելով 0.1 տոկոս


(ՍԳՀ գնաճ, ՆՏՆԺՀ, փոփոխություն, %)



Աղբյուրը՝ ՀՀ ԿԲ

Գծապատկեր 4. ՀՀ դրամը հոկտեմբերի կեսերին կայունացավ ժամանակավոր արժեզրկումից հետո

(ինդեքս. 2020 թ. մարտի 2 = 100)




Աղբյուրը՝ ՀՀ ԿԲ

Գծապատկեր 5. Միջազգային պահուստները հոկտեմբերին շարունակել են նվազել

(միլիոն ԱՄՆ դոլար)


(ներմուծման ամիսներ)



Աղբյուրը՝ ՀՀ ԿԲ

Գծապատկեր 6. Բյուջեի հաշվեկշռում 2023 թ. մինչև սեպտեմբեր պահպանվել է հավելուրդը

(միլիարդ ՀՀ դրամ)



Աղբյուրը՝ ՀՀ ՖՆ